

թալի դարձան, քանզի և նոքա զտէֆտէրտարն զըր-
դեցին եղբարբ նորին թէ Զտեղացին մեր տանելոց եմ
ի բնիկ գաւառն իւրեանց, որ բազում դրամից ելին
քաղաքացիքս, որ զՍևաստացիք ևս ի խարած կա-
պէր ուրոյն յեկեղեցիսն: Վասն որոյ և յերկրէն կամ-
խայ ևս եկին որ Յունիս ամսոյ ի բուն՝ արք անա-
գորոյնք¹⁾ մտեալ առ վէզիրն, առեալ գիր հրամանի
թէ Դուք աստ պարոնի պէս ապրիք և հարկ ոչ տայք
երկրի ձերոյ, ելեալ երթիջիք²⁾ ի բնիկ գաւառն ձեր:
Եւ աստ լիալքն աղաչէին ոմանք և աղերսէին, այլք
պատուէին և կէսք դրամ տային նոցա և ոչ զիջա-
նէին, և բազումք կային ի փախուստ և ոչ նստէին
ի բան եւ ի գործ եւ ի խանութ՝ զբազում աւուրս, եւ
չրջէին չաւուշովք, որոնէին յամենայն անկիւնս քա-
ղաքիս զի կալեալ տարցեն զո՛րք և գտցեն: Եւ զաղ-
քատս ոչ մօտէին այլ զմեծամեծս և զխոհականս, և
կնքէին զդրուեն տանց բազմաց, և ոչ ինչ էր փոյթ
տանեն նոցա, այլ թէ ամի ամի հարկս տացեն: Վասն
որոյ մերայինքս ոչ կամէին զայս չար օրէն ի մերում
ժամանակի ստանալ և կային ի փախուստ և ոչ կային
միաբան. բայց ոմանք ի խորհրդոց մերոց հողային ձե-
ռամբ զատուեն մեծի որ ծանօթ էր մեզ յոյժ, որպէս
ի վերոյ ասացեալ եմք, և դատաստան ոչ լինել հրա-
մայէր այս և ընդդիմանայր: Եւ մինչդեռ վէզիրն
յուսկիւտարն՝ անդ քարշէին զո՛րք եւ գտանէին, եւ
նա իւրով հրամանաւ աստ առաքէր եւ զատին ոչ տե-
սանէր իրաւունս ընդ փաշային Խմայիլայ: Եւ օտարքն
յամենայն աւուր բանակ բանակ եղեալ ի մէջ քաղա-
քիս, որքան կար էր իւրեանց՝ երթային եւ գային
յուսկիւտարն, մինչև գայրանալ վէզիրին, զերեք այր
հայ ի քաղաքացոց Գ տարով. յետ գնալոյ վէզիրին

1) անագորոնք.

2) երթիցուք.